



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლემგიური ენები

ლემგიური ენები, იბერიულ-კავკასიურ ენათა დაღესტნის (რფ) ჯგუფის ერთ-ერთი ქვეჯგუფი. მოიცავს ლემგიურ, თაბასარანულ, ალულურ, ნახურ, რუთულურ, უდიურ, არჩიბულ, კრინულ, ბედუხურ და ჰინალუღურ ენებს. ბოლო 3 ენა გავრცელებულია აზერბ. ტერიტორიაზე და ერთიანდება ე. წ. შაჰდაღის ენათა ქვეჯგუფში. აზერბაიჯანშია გავრცელებული ძირითადად უდიური ენაც (სოფ. ნიჯსა და ვართაშენში). სხვა ლ. ე. გავრცელებულია დაღესტნის კასუმქენტის, ახტის, ქურახის, ალულის, თაბასარანის, ხივის, რუთულისა და სხვ. რ-ნებში. ყველაზე მეტი თავისებურებით გამოირჩევა ჰინალუღური და არჩიბული ენები, რ-თაც განცალკევებული ადგილი უკავიათ ლ. ე-ს შორის. ლ. ე-დან დამწერლობა აქვს მხოლოდ ლემგიურსა (1928) და თაბასარანულ (1931-იდან) ენებს.

ლიტ.: თ ო ფ უ რ ი ა გ., სახელთა მრავლობითი რიცხვის წარმოებისათვის ლემგიურ ენებში, «იბერიულ-კავკასიური ენათმეცნიერება», 1973, ტ. 18; კ ა ხ ა ძ ე ო., არჩიბული ენა და მისი ადგილი დაღესტნის მონათესავე ენათა შორის, თბ., 1979; ჯ ე ი რ ა ნ ი შ ვ ი ლ ი ე., კითხვითი ნაცვალსახელები ლემგიური (კიურიული) ჯგუფის ენებში, „იბერიულ-კავკასიური ენათმეცნიერება“, 1955, ტ. 7; Б о к а р е в Е. А., Лезгинские языки, წგ.: Языки народов СССР, т. 4., 1967; Т а л и б о в Б. Б., Место хиналугского языка в системе языков лезгинской группы, «Ученые записки Ин-та ист., яз., и лит-ры Даг. филиала АН СССР» 1960, т. 7.

გ. თოფურია
